

清 劉晚榮 輯

藏脩堂叢書

四川出版集團
巴蜀書社

保己若有妄動必至危敗

詩曰莫言小事只如閒却恐因循事轉難不戒履
霜馴至覆堅冰恐失致傷殘

第八十七福會卦 二中三下 敬慎之象

三陽助陰震雷正東

象曰德禳不祥敬慎宜遵今雖隱約福祿自臻

顏曰此卦變其陰而成陽位足以禳去不祥終至
福祿也凡事皆預小憂後大吉

何曰福祿必來但不速耳事得從心又曰公事初

有聲後無競患病初輕後重祈禳吉行人軍旅經求並初不利

陳曰人道雖陰地道陽盛福祿之會也故曰福會敬慎大凡陰柔之人不能持守故多有謹慎之戒劉曰德禳不祥陽下陰也福祿自臻終獲其心也此課陰陽雖失位而三陽剛盛陰不能勝故爲德禳不祥之象始雖有吝終獲大吉其勢自然不待求也占事皆吉

詩曰鵬鶚當秋勢轉雄乘風奮翼到蟾宮榮華若

問時來事先後聲名達九重

第八十八陰賊卦 二中四下 復凶之象

陰盛失陽坤地西南

象曰陰賊逆謀不利後代今雖適意後亦不泰

顏曰變陽得陰陰賊之象也陰賊謀害後嗣將微
故曰不利後代此卦凡事及經營初獲吉後有害
何曰羣陰用事故多陰賊陰謀害人凡謀未遂縱
令如意終亦不吉又曰陽變爲陰羣小謀上之兆
陳曰人道旣陰徒衆又盛逆謀陰暗故曰云云

劉曰陰賊謀逆小人得時也幼明曰變陽得陰陰賊之象也謀事初吉後凶

詩曰一枝花欲發却值雨和風雲散多青黑愁消福祿空陰險虧福勢不可久禍起一身更貽於後

第八十九福利卦 三中一下 元亨之象
二陽主事乾天西北

象曰出門逢福與善相得明珠夜照使我不惑

顏曰陽德方亨又與福會凡事皆吉所作皆通

何曰旣與福會又爲明珠所照事無不吉所作皆
遂獄訟無害

陳曰人道剛正地道又實福祿兼修故曰云云
劉曰出門逢福得其與也明珠夜照雖幽不瞽也
此課陽得其類而不失序三之剛明足以照燭幽
暗可謂與善相得者矣占凡事皆吉

詩曰運達功名至皇恩忽到家幾年桃李樹春發
滿園花

第九十福祥卦 三中二下 安泰之象

陰陽各安良山東北

象曰天消地息賢人安職行藏昌吉有利無極

顏曰天地消息陰陽各安其位君子靜而自得此卦凡事歸本大吉利

何曰所求不可速萬事自從心求財望事並吉獄訟有人力救病得良醫行師勝大吉之兆

陳曰人道強盛地道純美陰陽相得故曰云云

劉曰賢人安職位正當也行藏昌吉自得無虞也詩曰鸞貅寶馬自駢闐驚起湖山白晝眠千里悠

然無阻礙碧波芳草正連天

第九十一攸叙卦 三中三下 保寧之象

二陽純剛乾天西北

象曰鳳凰啣珠來集庭隅福爲我致禍爲我除

顏曰上當盛位之世獨能以純剛禦之吉祥兆也
禍消福至鳳者四靈之美珠者寶玩之物所求大
吉並無刑尅

何曰福祿方至大吉利也財物倍稱之兆

陳曰上下盛陽無有陰尅百福自然故曰云云

劉曰鳳凰集庭賢德輝也福至禍除衆善歸也此
課顏幼明曰當天位未定之際而能以純剛禦之
大吉之象也占者無所不利惟求雨則違所欲矣
詩曰瑞物慶駢臻光華五色新天恩今日到福祿
在斯人

第九十二否傾卦 三中四下 任賢之象

三陽伏陰艮山東北

象曰君子抗衡小人低軀明君治世分別紫朱

顏曰處重地之安得三陽之照易曰小人勿用之

時求官大吉事各得其理

何曰明主在上君子得用所願從心小人低伏理宜然也

陳曰盛陽在上盛陰在下陰陽相應君子小人各得其分故曰云云

劉曰君子得位小人服也分別紫朱各安職也此課陰陽各安其位剛明上照而柔陰下從占事得理君子小人皆吉

詩曰枯木春將近山川秀氣盈門前雙鵲噪喜報

利名成

第九十三未形卦 四中一下 龍升之象

獨陽升陰震雷正東

象曰潛龍將升立雲上起天下蒙祉先否後喜

顏曰初雖不佳後乃大喜一陽在下易初九潛龍勿用之體如龍將升而雲起從之共飛虛空以御天下君臣相得之兆

何曰初否後泰諸事皆吉

陳曰盛陰在上一陽在下懷升進之志有雲龍上

下之象故曰云云言未顯于世也

劉曰潛龍得雲以上天也先否後喜往無前也此課上無天而一陽在下四陰接之故爲潛龍得雲之象初雖艱難後乃克濟大吉之課也

詩曰缺月復重圓花枝色更鮮桃源歸去路一日遇神仙

第九十四蕩覆卦 四中二下 降災之象

純陰無應坤地西南

象曰天龍暴怒雷公擊鼓興雲致雨流潦下土

顏曰以純陰而居無應之地不能消灾却患故曰
雷霆橫擊水潦爲災此卦百事悔吝行人婚姻市
賈並不利

何曰雨流盪滌凡事悔吝不宜之卦

陳曰下有二陰升高爲中四陰蔽極飄蕩反覆之
象故曰云云

劉曰天龍暴怒陰上興也流潦下土物莫能勝也
此課顏幼明曰以純陰居無應之地故不能消灾
却患而致災咎占事皆凶惟宜求雨

詩曰斟酌樽中酒徘徊檻外花一場懽宴地不覺
夕陽斜 日冥冥兮水橫流兮稼穡害兮魚鱉遊
兮陽曷霽兮德不修兮

第九十五避世卦 四中三下 遠遁之象
以陰凌陽震雷正東

象曰小人得志君子失道去我室廬入彼澤草

顏曰以明陽之德退居卑下而陰暗之徒反居中
位賢良屈抑之象故棄其棟宇遠棲草澤幽居養
志以待其時此卦宜退不宜進

何曰爲陰所凌失其正位又曰病者宜告陰人救療行人在路凡事平平

陳曰羣陰在上小人得志三陽本全才反居於下君子在野之象此卦與四中一下異者一陽尙可進三陽已極而不能進也故取象不同而曰云云劉曰小人得志陰乘陽也入彼澤草位不當也此課陰陽失位凡事退吉進凶

詩曰口舌向門來身中且滯灾人前防暗箭第一
恐傷財 鑾鵲離丹陛燕雀搏青霄奸臣尤竊位

賢士利伏逃

第九十六鬼動卦 四中四下 用術之象

二陰克戰坤地西南

象曰兩鬼共居常苦飢虛欲入我戶畏此靈符

顏曰積陰之時鬼將爲害祭祀無主故曰飢虛鬼不敢入猶畏神符此卦宜書符誦咒以除邪鬼祭祀獲吉

何曰福去禍來宜修功德作善除邪病者書符誦咒治之方瘥田蠶薄收皆不稱意平常之卦土地